

**URDHËR**  
**Nr. 146, datë 24.3.2023**

**PËR SHPALLJEN E THIRRJES PËR FINANCIMIN E PROJEKTEVE PËR  
INFRASTRUKTURËN SHKOLLORE E SPORTIVE, PËR NJËSITË E  
VETËQEVERISJES VENDORE PËR PROJEKTET ME CIKËL FINANCIMI 2023–2024**

Në mbështetje të nenit 102 të Kushtetutës, të nenit 15, të ligjit nr. 84/2022, “Për buxhetin e vitit 2023”, si dhe udhëzimit. nr. 9, datë 27.4.2022, “Për kriteret, procedurat dhe afatet për shpalljen e thirrjes dhe për dokumentacionin e nevojshëm për aplikim nga njësitë e vetëqeverisjes vendore për financimin/bashkëfinancimin e projekteve për përmirësimin e të infrastrukturës shkollore dhe sportive”,

**URDHËROJ:**

1. Shpalljen e thirrjes për financimin e projekteve të reja, me cikël financimi 2023–2024, nga fondi i miratuar për vitin 2023 për infrastrukturën shkollore dhe sportive.

2. Drejtimet e thirrjes për financim:

a) rehabilitimi dhe zgjerimi i kapaciteteve të institucioneve/objekteve arsimore ekzistuese në arsimin bazë (kopshte/shkolla), që kanë nevojë emergjente për ndërhyrje apo kanë të domosdoshme ndërhyrjet në infrastrukturën fizike;

b) rehabilitimi, përqëndrimi dhe/ose zgjerimi i kapaciteteve të objekteve arsimore ekzistuese në arsimin e mesëm të lartë, të cilat paraqesin rrezik shembje, dhe/ose kanë nevojë emergjente për ndërhyrje dhe/ose kanë të domosdoshme ndërhyrjet në infrastrukturën fizike;

3. Vlera e financimit nga MAS-i për vitin 2023, për thirrjen e parë, të jetë:

- Programi buxhetor 09120 “Arsimi bazë 724,380,000 lekë;

- Programi buxhetor 09230 “Arsimi i mesëm 277,339,000 lekë;

4. Vlera e bashkëfinancimit nga aplikuesi për çdo projekt, është sipas shtojcës I, bashkëlidhur.

5. Për thirrjen e vitit 2023, MAS-i do të financojë vetëm aplikimet e njësive të vetëqeverisjes vendore (NJVV), të cilat nuk kanë përfutur fonde në kuadër të procesit të rindërtimit.

6. Afati për paraqitjen e aplikimeve në MAS, do të jetë data 27.3.2023 deri më datë 7.4.2023, sipas shtojcës nr. II bashkëlidhur.

7. Aplikimi për financimin e projekteve bëhet nga njësitë e vetëqeverisjes vendore (NJVV) sipas shtojcës III, bashkëlidhur.

8. Ngarkohet Sekretari i Përgjithshëm dhe Komisioni për shqyrtimin e projekteve, për zbatimin e këtij urdhri.

Ky urdhër hyn në fuqi menjëherë.

**MINISTËR I ARSIMIT DHE SPORTIT**

**Evis Kushi**

**SHTOJCË I**

**VLERA E BASHKËFINANCIMIT PËR APLIKUESIT**

Vlera e bashkëfinancimit për çdo projekt nga NJVV-të, është sa më poshtë:

a) për njësitë e vetëqeverisjes vendore (NJVV) me popullsi nën 50 000 (pesëdhjetë mijë) banorë, vlera dysheme e bashkëfinancimit nga ana e NJVV të jetë në masën 15% të vlerës së plotë të

projektit, alokuar për vitin korrent ose i përpjesëtuar për vitin pasues (nëse projekti zbatohet në dy vite);

b) për njësitë e vetëqeverisjes vendore (NJVV) me popullsi mbi 50 000 (pesëdhjetë mijë) banorë, vlera dysHEME e bashkëfinancimit nga ana e njësisë së vetëqeverisjes vendore, të jetë në masën 20% të vlerës së plotë të projektit, nga të cilat alokuar 10% për vitin korrent dhe 10% për vitin pasues (nëse projekti zbatohet në dy vite);

c) për njësitë e vetëqeverisjes vendore (NJVV) me popullsi mbi 100 000 (njëqind mijë) banorë, vlera dysHEME e bashkëfinancimit nga ana NJVV, të jetë në masën 25% të vlerës së plotë të projektit, nga të cilat alokuar 15% për vitin korrent dhe 10% për vitin pasues (nëse projekti zbatohet në dy vite).

Diferenca mes vlerës së projektit me vlerën e kontratës nëse ka një të tillë pas prokurimit publik do t'i zbritet financimit me burim fondet e ministrisë përgjegjëse për arsimin, pjesë e fondeve për financimin e infrastrukturës shkollore dhe sportive.

SHËNIM. Ministria e Arsimit dhe Sportit, bazuar edhe në të dhënat e INSTAT-it, i kërkon Ministrisë së Brendshme listën (sipas të dhënave të vitit të fundit) të njësive të vetëqeverisjes vendore, me mbi dhe nën 50 000 (pesëdhjetë mijë) banorë, për t'u referuar pranë Komisionit në Ministrinë e Arsimit dhe Sportit.

## SHTOJCË II

### KALENDARI ME AFATET E APLIKIMIT DHE VLERËSIMIT TË PROJEKTEVE

| Afati                                                                                                                       | Institucioni përgjegjës                          | Aktiviteti                                                                                                                                                                                                                                                                                              |
|-----------------------------------------------------------------------------------------------------------------------------|--------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Botimi në web-in e MAS-it dhe/ose "Agjencinë e Prokurimit Publik"                                                           | Ministria e Arsimit dhe Sportit                  | Hapja e thirrjes për projekte të reja sipas drejtimeve të thirrjes, sipas pikës 1 dhe 2, të këtij udhëzimi.                                                                                                                                                                                             |
| <b>15 ditë</b> kalendarike nga hyrja në fuqi e urdhrit i cili botohet në web-in e MAS-it, APP-së dhe në Buletinin e QBZ-së. | Aplikuesit sipas pikës 3, të këtij udhëzimi/NJQV | Dërgimi i aplikimeve nga aplikuesit, si më poshtë vijon:<br>1. Aplikimi me shkresë zyrtare (postë ose protokollim dorazi), ku dosja e plotë e aplikimit (në format hard-copy si dhe CD) dërgohet pranë drejtorisë së buxhetit dhe menaxhimit financiar/komisionit, në Ministrinë e Arsimit dhe Sportit. |
| <b>15 ditë</b> kalendarike nga afati i mbylljes së aplikimit                                                                | Komisioni i MAS-it                               | Vlerësimi i projekteve të aplikuara sipas shtojcës III, të këtij vendimi.                                                                                                                                                                                                                               |
|                                                                                                                             | Komisioni i MAS-it                               | Komisioni paraqet zyrtarisht pranë ministrit përgjegjës për arsimin listën e projekteve që propozohen për financim.                                                                                                                                                                                     |

## SHTOJCË III

### FORMATI I APLIKIMIT PËR PROJEKTET

*Ky format plotësohet për të gjitha projektet*

|                                  |                                                                                                                              |
|----------------------------------|------------------------------------------------------------------------------------------------------------------------------|
| Aplikuesi (*)                    | NJVV respektive                                                                                                              |
| Data e aplikimit (*)             | Përcaktohet nga NJVV                                                                                                         |
| Titulli i projektit (*)          | Titulli i projektit të jetë i njëjtë me titullin që specifikohet në kërkesën e depozituar pranë MAS-it.                      |
| Programi i projektit (*)         | Të përcaktohet për cilën drejtim të thirrjes aplikohet (sipas drejtimit të thirrjes së shpallur nga MAS-i).                  |
| Data e fillimit të projektit (*) | Të paraqitet grafiku i prokurimit dhe grafiku i zbatimit të punimeve të projektit, për të qartësuar shtrirjen kohore të tij. |
| Data e mbarimit të projektit (*) | Të jepet data kur parashikohet të përfundojë projekti.                                                                       |
| Përshkrimi i projektit (*)       | Të bëhet përshkrim i detajuar i projektit të propozuar, duke përmblotur informacionin e mëposhtëm, por jo vetëm:             |

|                                                                                |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
|--------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                                                                | <ul style="list-style-type: none"> <li>- vendndodhja e objektit të investimit: specifikuar në hartë ku është sqaruar qartë kufiri i ndërhyrjes;</li> <li>- përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt;</li> <li>- përshkrimi i detajuar i punimeve/ndërhyrjeve që do të kryhen;</li> <li>- standardi i aksesueshmërisë për personat me aftësi të kufizuar, në projektim;</li> <li>- grafiku i prokurimit dhe grafiku i zbatimit të punimeve;</li> <li>- cilat janë problemet që adreson ky projekt dhe shkalla e ndikimit të tij;</li> <li>- për shkollat në fshatrat dhe/ose njësitë e qeverisjes vendore nën 50 000 (pesëdhjetë mijë) banorë, aplikuesi paraqet informacion për numrin aktual dhe të pritshëm të nxënësve të shkollës, për të cilat kërkohet bashkëfinancimi, si dhe për shkollat dhe numrin e nxënësve në shkollat që gjenden në një distancë prej 4–5 km nga shkolla që kërkohet bashkëfinancimi, me qëllim optimizimin e mundësisë së investimit, përmes grupimit;</li> <li>- risqet për zbatimin e tij;</li> <li>- informacion i qartë në lidhje me pronësinë e tokës (nëse aplikohet), si edhe dokumentacioni përkatës (harta përkatëse kadastrale etj.).</li> </ul> |
| Qëllimi dhe objektivat (*)                                                     | Të paraqitet qëllimi i përgjithshëm i projektit, si dhe objektivat specifike të tij.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| Numri i përfituesve (*)                                                        | Të jepet numri i popullsisë (nxënës/mësues/komunitet) që përfitojnë drejtpërdrejt dhe tërthorazi nga zbatimi i projektit. Vlera e dhënë të shoqërohet me shpjegim për secilën kategori përfituesish.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
| Sipërfaqe e trajtuar (*)                                                       | Të specifikohet sa është sipërfaqja e përgjithshme në të cilën ndërhyrja projekt dhe nëse zhvillohet me faza apo lote.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
| Rendi prioritar (*)                                                            | Në rastet e aplikimit të më shumë se 1 (një) projekti për të njëjtin program, renditimi projektet sipas prioritetit/nevojës për ndërhyrje /lidhjes me drejtimitet e thirrjes (numri 1 për shumë prioritar, numri 2 për më pak prioritar, e kështu me radhë).                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| Qëndrueshmëria e projektit (*)                                                 | Të përshkruhet në mënyrë analitike nëse aplikuesi do të ketë nga ky projekt: <ul style="list-style-type: none"> <li>- Kosto për mirëmbajtjen e projektit, pas zbatimit të tij;</li> <li>- Nëse po, specifikoni sa parashikohen, si do të sigurohen etj.;</li> <li>- Të specifikohet periudha në vite për kostot e mirëmbajtjes.</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
| Fondet e kërkuara nga MAS-i (*)                                                | Në rast se projekti nuk ka financim nga donatorë, kostoja/fondi që kërkohet është e barabartë me koston totale të projektit (në çdo rast, vlera të jetë me TVSH) minus vlerën dysheme të detyrueshme të bashkëfinancimit nga njësia e qeverisjes vendore, sipas shtojcës I të këtij udhëzimi.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
| Kontributi i detyrueshëm në bashkëfinancim nga njësia e qeverisjes vendore (*) | <p>Aplikuesi e shoqëron aplikimin me një shkresë zyrtare, të nënshkruar nga kryetari i bashkisë, ku merr përsipër së paku vlerën dysheme të bashkëfinancimit për këtë aplikim, të përcaktuar në shtojcën I të këtij udhëzimi.</p> <p>Aplikuesi mund të bashkëfinancojë një vlerë me të madhe sesa vlera dysheme, nëse e shikon të mundur.</p> <p>Marrja përsipër e bashkëfinancimit nga aplikuesi, në, minimumi, vlerën dysheme të tij të përcaktuar në shtojcën I, të këtij udhëzimi dhe paraqitja e shkresës që e konfirmon këtë është kusht detyrues për kalimin në fazën e vlerësimit të aplikimit dhe për (potencialisht) miratimin e financimit.</p>                                                                                                                                                                                                                                                                                                                                                                                                                                                                                                                                                                                           |
| Financim nga donatorë (*)                                                      | Nëse ka financim nga donatorë, të jepet vlera e pritshme e donacionit në monedhën lekë.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| Financime të tjera                                                             | Nëse ka burime të tjera financimi, të jepet vlera e financimit në monedhën lekë.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
| Kostoja totale e projektit (*)                                                 | Kostoja totale e projektit të jepet me TVSH.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| Projekti ka një analizë kosto-përfitim të cilësisë së mirë (opsionale)         | <input type="checkbox"/> Po / <input type="checkbox"/> Jo                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
| Përmbledhje e analizës kosto-përfitim                                          | Të paraqitet një përmbledhje e shkurtër e analizës kosto-përfitim, nëse ka një të tillë.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
| Projekti ka një vlerësim të ndikimit në mjedis të cilësisë së mirë (opsionale) | <input type="checkbox"/> Po / <input type="checkbox"/> Jo                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
| Përmbledhje e vlerësimit të ndikimit në mjedis                                 | Të paraqitet një përmbledhje e shkurtër e vlerësimit të ndikimit në mjedis, nëse ka një të tillë.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |

|                                       |                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
|---------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Deklarime (*)                         | <p>Aplikuesi deklaron, se:</p> <p>i. Projekti është gati për zbatim (pra, nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin i punimeve;</p> <p>ii. Projekti është në listën e projekteve/nevojave të parashikuara nga institucioni përkatës, është pjesë e planeve vendore të zhvillimit dhe/ose të prioritetëve;</p> <p>iii. me miratimin e financimit, autoriteti kontraktues ka siguruar pajisjen me të gjitha lejet e nevojshme për zbatimin e projektit, sipas legjislacionit të fuqi;</p> <p>iv. janë zbatuar çmimet e referencës dhe legjislacioni në fuqi për përllogaritjen e kostos dhe vlerës financiare të projektit.</p> |
| Dokumentet teknike (*)                | <p>Të sqarohet nëse dosja e aplikimit përmban:</p> <ul style="list-style-type: none"> <li>- projektin teknik/projektin e zbatimit;</li> <li>- preventivin;</li> <li>- grafikun e prokurimit dhe grafikun e zbatimit të punimeve;</li> <li>- relacionin teknik;</li> <li>- specifikimet teknike;</li> <li>- CD;</li> <li>- përllogaritjet/parashikimin e kostove të mirëmbajtjes së investimit.</li> </ul>                                                                                                                                                                                                                                                                                                                                                                                 |
| Foto – Gjendja ekzistuese (*)         | Imazhe në formatin JPEG ose PDF                                                                                                                                                                                                                                                                                                                                                                                                                                                                                                                                                                                                                                                                                                                                                           |
| Pamje tremensionale (*) i detyrueshëm | Imazhe në formatin JPEG ose PDF                                                                                                                                                                                                                                                                                                                                                                                                                                                                                                                                                                                                                                                                                                                                                           |

(\*) *Fushat që kanë \* janë të detyrueshme për t'u plotësuar.*

**Shënim.** Dërgimi i aplikimeve, sipas afatit:

1. Aplikimet për projekte duhet të dërgohen me shkresë zyrtare (postë ose protokollim dorazi), së bashku me dosjen e plotë të aplikimit në format *hard copy* dhe CD, pranë Ministrisë së Arsimit dhe Sportit.
2. Formatin e aplikimit duhet të dorëzohet i firmosur dhe i vulosur nga institucioni/subjekti aplikues.
3. Dokumentacioni teknik i dorëzuar duhet të jetë detyrueshëm i firmosur dhe i vulosur nga autorët përkatës.
4. Nëse aplikanti nuk merr përsipër vlerën dysHEME të bashkëfinancimit të përcaktuar sipas shtojcës I, të këtij urdhri, atëherë aplikimi nuk kalon në fazën e vlerësimit.